

十七史劄記



十七史

詳節

十七史序

凡事皆天也天不能言有意存焉天文之幽渺地理之廣漠必有星官之書推步之法與圖之志指南之方是皆天不能自為而生聖賢為之料理使人緣古證今燭微知遠也況纂序之間有大君以統治於上有群臣以佐理於下其間運祚之絕續國統之正閏君德之邪正臣職之修否紀綱布置政令設施有張有弛有得有失非生聖賢以紀其事會其成則人道泯矣此史家之學天所以不能不付之大儒也彼尚書皆史也一自聖人刪削遂謂之經春秋則又聖人親筆誠萬世史學之宗也漢司馬遷乃輯古史而為史記始於黃帝迄於天漢貫穿今古歷歷可攷胤是而後班固范曄前後漢書之作陳壽之三國志唐太宗之東西晉書迄於歐陽修之五代史凡十七種皆摭拾歷代國書遺其繁而撮其要倣司馬氏義例為紀傳為表志宋儒東萊呂成公又總會而為十七史使數千年之事跡學者一展閱旬月之間可悉其要視彼國書汗牛充棟使人自幼至老徒興望洋之歎者其功奚啻倍蓰謂之天生聖賢以扶持世教者非歟第板刻既久天下少傳藏甲戌傳御李公如圭按治閩藩手授是書於建陽尹戚君維令擇書林涉獵書史者繡梓以傳毋令魯魚亥豕以眩人心目戚乃以屬義士劉弘毅氏弘毅領命殫乃精力參考諸書正其訛謬越兩春秋始克成書屬序序其首簡予深自慶得廁名於斯文大成之末然稿有說焉記事者史也加以筆削則經矣如予未子綱目之作易紀傳而為編年表歲以首年因年以著統與失大書分註所載宏綱大義微言細行皆有深意謂之可續續經無忝也學者熟讀是書以盡其博然後參之綱目以歸於正則其學為有用措之天下決大疑定大事裕如也不然則佔碑呻吟徒事枝葉口耳之末耳奚貴哉予不佞僭言如石歲正德丙子六月初吉後學莆田鄭京書

東萊先生史記詳節序

建陽 木石山人 劉弘毅刊行

正義序

史記者漢太史公司馬遷作遷生龍門耕牧河山之陽南遊江淮講學齊魯之郡紹太史繼春秋括史書史而包左氏國語宋世本戰國策而摭楚漢春秋貫紉經傳旁搜子史上起軒轅下暨天漢作十二本紀帝王興廢悉詳三十世家君國存亡畢著八書贊陰陽禮樂十表定代年封七十列傳忠臣孝子之誠備矣筆削冠於史籍題目足以經邦裴駙服其善序事理辯而不華質而不俚其文直其事核不虛美不隱惡故謂之實錄自劉向揚雄皆稱良史之才況墳典湮滅簡冊闕遺比之春秋言辭古質方之兩漢文省理幽守節涉學三十餘年六籍九流地里蒼雅銳心觀採評史漢詮衆訓釋而作正義郡國城邑委曲申明古典幽微竊探其美索理允愜次舊書之旨兼音解註引致傍通凡成三十卷名曰史記正義發揮膏肓之辭惠濟滄溟之海未敢侔諸秘府冀訓詁而齊流庶貽厥子孫世嘽茲史於時歲次丙子開元二十四年八月殺青斯竟諸王侍讀宣義郎守右清道率府長史張守節載拜謹序

索隱序

史記者漢太史司馬遷父子之所述也上始軒轅下訖天漢作十二本紀十表八書三十系家七十列傳凡一百二十篇始變左氏之體比於班書微為古質故漢書名賢未知見重逮至晉宋有中散大夫東莞徐廣始考異同作音義十三卷宋外兵參軍裴駙又取經傳訓釋作集解合為八十卷雖粗見微意而未窮討論南齊輕車錄事郎誕生亦作音義三卷貞觀中諫議大夫崇賢館學士劉伯莊達學宏才鉤深探賾又作音義二十卷比於徐郎音則具矣殘文錯節異旨微義雖知獨善不見傍通謂止任己見不傍引諸家論辨欲使

後人從何準的貞諷聞陋識頗事鑽研而家傳是書不敢失墜初欲改更舛錯裨補疎遺義有未通兼重註述然以此書殘缺雖多實為古史忽加穿鑿難允物情今止探求異聞採摭典故辭其所未詳申其所未申者釋文演註又重為述贊凡三十卷號曰史記索隱雖未敢藏之書府亦欲以貽厥孫謀云朝散大夫國子博士弘文館學士河內司馬貞謹序

索隱後序

太史公好奇而詞省故事嚴而文微微可學也學者多未究班氏依違而述所以條流更明兼採衆賢羣理畢備其旨當其辭文近代諸儒共所鑽仰訓詁亦多太史公之書為註解者絕省音義亦希晉宋間徐廣作音義裴駮作集解合八十卷劉伯莊以貞觀初於弘文館講授作音義三十卷音乃周備義則更略崇文館學士張嘉會獨善此書而無註義貞少從張學晚更研尋殘缺處多因發憤而補註其功殆半更撰音義重作贊述凡三十卷號曰史記索隱云劉伯莊在唐儒林傳張嘉會未詳河內司馬貞再拜謹序

補史記序

太史公古之良史也家承二正之業謂由正重司天地正祭人為五百之運謂五百年必有王者兼以代為史官親掌圖籍慨春秋之絕筆傷舊典之闕文爰自黃帝迄於漢武漁獵則窮於百氏筆削乃成於一家父作子述其勤至矣夫以首創者難為功因循者易為力自左氏之後未有體制而司馬公補立紀傳規模別為書表題目如本紀叙五帝而闕三皇世家載列國而有外戚謂外戚不詳奸春秋次國略而不書亦多有以職會與事張吳敵國番王抑而不載吳或長沙王更前韓彭韓彭有職謂韓彭有職所未安又列傳所著有管晏及老子韓非管晏乃齊之賢卿即如其例則吳之延陵鄭之子虛晉之叔向衛之史魚威德不闕何為蓋闕謂管晏此數君伯陽清虛為教子也韓子峻刻制法韓非靜躁不同德刑斯舛

靜德謂老子今宜柱史共漆園同傳柱史老子也漆園莊周公子與商君並列公子謂韓非韓之諸公可
不善歟然其網絡古今網絡猶也叙述懲勸異左氏之微婉杜預左傳叙且春秋之稱微而隱有南史之典
實人其弟又書乃舍之南史曰崔行狀其兄行微之兄弟死者二乃還所以揚雄班固等咸稱其有良史之
才蓋信乎其然也後褚少孫生者亦頗加補綴然猶未能周備與業謝顯門人非博古而家傳是學頗
事討論輒黜陟降改定篇目其有不備並採諸典籍以補闕遺其百三十篇之舊記非周悉並更申而述
之附於衆篇之末雖曰狂簡必有可觀其所改更其條於後至如徐廣唯略出音訓兼記異同未能考覈
是非解釋文句其裴駰實亦後進名家博採群書專取經傳訓釋以為集解然則時有冗長長去聲難也至於
盤根錯節謂義理句讀殘缺糾繆謂遺漏咸拱手不言拱手謂束手手不斯未可謂通學也今輒保按古今
仍以裴為本兼自見愚管重為之註號曰小司馬史記然前朝顏師古止註漢史今並謂之顏氏漢書貞
雖位不逮顏公既補史舊兼下新意亦何讓焉河內司馬貞謹言

集解叙

班固有言曰司馬遷據左氏國語索隱曰左丘明作春秋傳三十卷國語亦丘明采世本戰國策索隱曰
世本古史所擬記戰國策六國時縱橫起周穆王春秋之末采世本戰國策索隱曰
橫之說對向穆為十三卷名戰國策述楚漢春秋杜預曰楚漢春秋接其後事訖於天漢索隱曰武帝其言秦
漢詳矣至於采經摭傳分散數家之事甚多疏略或有抵牾索隱曰上丁禮亦其所涉獵者廣博貫穿經
傳馳騁古今上下數千載間斯已勤矣又其是非頗謬於聖人索隱曰史公則先其善而後其惡論大
道則先黃老而後六經謂叙六家要旨曰篇序游俠則退處士而進索隱曰此其所蔽也然自劉向揚雄
崇勢利而慕貧賤謂實傳處奇士之所而長貴賤好結仁義亦足此其所蔽也然自劉向揚雄
書皆稱述有良史之才服其善序理辯而不華實而不佞索隱曰但此其文直其事核不虛美不隱惡故

謂之實錄因以魚固之所言世稱其當雖時有紕繆實勘成一家總其大較索隱曰大信命世之宏才也索隱曰孟子五百年其間必有名世者命者名也賢人有名於世者也考校此書文句不同有多有少莫辯其實而世之惑者定彼從此是非相貿音茂謂亂也真偽舛雜故中散大夫東莞徐廣研核衆本為作音義具列異同兼述訓解粗有所發明而殊恨省略聊以愚管索隱曰東方朔傳曰以愚管綽辭也增演徐氏采經傳百家并先儒之說豫是有益悉皆抄內刪其游辭取其要實或義在可疑則數家兼列漢書音義稱臣瓚者莫知姓氏今直云瓚曰又都無姓名者但云漢書音義時見微意有所裨補譬嗜星之繼朝陽索隱曰增小貌飛塵之集華嶽以徐為本號曰集解未詳則闕弗敢臆說人心不同聞見異辭班氏所謂疏略抵牾者依違不悉辯也愧非胥臣之多聞索隱曰晉曰季名胥臣文公使隨子產之博物索隱曰鄭子產聘晉言晉侯曰博物君子也哀為卿解曰胥臣多聞可以為掩子產之博物之疾者侯曰博物君子也聞諸舊德庶賢無所用心而已宋中郎外兵曹參軍閻喜裝駟載拜謹序

古史叙

太史公易編年之法為本紀世家列傳記五帝三王以來後世莫能異之然其為人淺近而不學疎略而輕信漢景武之世尚書古文詩毛氏春秋左氏不列於學官世能讀之者少故其記堯舜三代之事皆不得聖人之意戰國之際諸子辯士各自著書或增損古事以自信一時之說邊一切信之甚者或采世俗相傳之語以易古文舊說及秦焚古書戰國之史不傳於民間秦惡其議己也焚之略盡幸而野史一二存者遺亦未暇詳也故其記戰國有數年不書一事者余竊悲之故因邊之僞上觀詩書下考春秋及秦漢雜錄記伏羲神農訖秦始皇帝為七本紀一三星二五帝三夏四十六世家一吳太伯二齊太公三魯叔六陳杞七衛康叔八宋微子九晉唐叔十楚十一鄭二十七列傳一伯夷二管晏三柳下惠四曹子威十二趙王句踐十三越十四魏十五韓十六田敬仲十七伍員十三孫吳十四范蠡五大夫子種十五季文子十六季康十八張儀十九馮諼二十蘇秦二十一白起王翦二十二孟嘗君二十三平原君

二十四魏公子二十五春申君二十六范雎蔡澤二十七樂毅二十八廉頗趙奢如二十九四華三十屈
原三十一虞卿魯仲連三十二呂不韋三十三李斯三十四蒙恬三十五扁鵲三十六劉客三十七滑楮
謂之古史追錄聖賢之遺意以明示來世至於得失成敗之際亦備論其故嗚呼由數千歲之後言數千
歲之前其詳不可得矣幸其猶有存者而或又失之此古史之所為作也顧濱蘇轍子由謹識

外紀序

夫計億兆者始於一總衆異者歸於同古今兼載則竹帛不能紀撮其機會則事盡於終卷六經具而諸
子興文籍煩而譜牒作太史公云黃帝以來皆有年數咸不同乘異歷漢魏晉去古益遠衆言不本於經
考者務為說誕包犧前後逮周厲王競列年紀更相違背遠邇無據安能考賢存其一說備列於下與刪
棄不取者莫知孰得孰失馬疑年茫昧借日名甲子以紀之共和以後則用歲陽歲名而著於上示相別
也班固謂三統曆最密杜元凱推春秋當時之曆凡二百五十五年晦朔閏及日食而云三統歷術比諸
家表疏推經傳朔日皆不諧合也元豐元年八月日秘書丞京兆劉恕道原序

東萊先生史記詳節目錄

卷之首

本紀

小司馬三皇紀

蘇子由三皇紀

蘇子由五帝紀

劉道原包犧以來紀

卷之一

五帝

卷之二

夏

殷

卷之三

周

卷之四

秦

項羽

呂太后

孝景帝

秦始皇帝

漢高祖

孝文帝

孝武帝

卷之五

表類

三代世表

十二諸侯表

漢興諸侯王表

惠景間侯表

建元王子侯表

六國年表

秦楚月表

高祖功臣表

建元侯表

將相名臣表

卷之六

書類

禮書

律書

天官書

河渠書

樂書

曆書

封禪書

平準書

卷之七

世家

吳

魯

管蔡

齊

燕

曹

陳杞

卷之八

宋

衛

楚

鄭

卷之九

越

魏

田敬仲完

卷之十

韓

趙

陳涉

孔子

楚元王

外戚

齊悼惠王

荆燕劉賈劉澤

曹參

蕭相國何

陳平

留侯良

梁孝王

絳侯周勃

三王武帝子

卷之十一

列傳

伯更叔齊

管仲

晏子

老子

莊子

申不害

韓非

司馬穰苴

孫子孫臆

吳起

伍子胥

仲尼弟子

卷之十二

柳下惠

曹子臧

吳季札

魯范丈子

晉叔向

鄭子產

越范蠡大夫種

葉公諸梁

列子已上九人係
古史增入

商君

蘇秦

張儀

卷之十三

樗里子

甘茂孫羅

穰侯

白起

王翦

孟子

荀子

孟嘗君

卷之十四

平原君虞卿

魏公子

春申君

范雎

蔡澤

卷之十五

樂毅

廉頗閼如

趙奢

李牧

田單

魯仲連鄒陽

卷之十六

屈原賈生

呂不韋

刺客

曹沫
荊軻

專諸
豫讓

聶政

卷之十七

李斯趙高

蒙恬

卷之十八

張耳陳餘

魏豹彭越

黥布

淮陰侯韓信

韓王信陳絳

盧綰田儼

樊鄴滕灌

張丞相倉

鄺生陸賈

傳新嗣周

劉敬叔孫通

季布樂布

袁盎鼂錯

張釋之馮唐

萬石君張叔

田叔

扁鵲倉公

吳王濞

魏其武安侯

韓長孺

李將軍廣

匈奴

衛將軍驃騎將軍

平津侯主父偃

南越尉佗

東越

朝鮮

西南夷

司馬相如

淮南衡山王

循吏

孫叔敖
公儀休

石舍

李離

子產

卷之十九

汲黯鄭當時

儒林

酷吏

大宛

游俠

佞幸

滑稽

淳于髡
優旃

西門豹

日者司馬李主

龜炙

貨殖

卷之二十

太史公自序

東萊先生史記詳節目錄終

東萊先生史記詳節卷之首

南宋中郎外兵曹參軍

聞喜

裴駟

集解

唐諸王侍讀率府長史

高要

張守節

正義

唐朝散大夫弘文館學士

河內

司馬貞

索隱

宋翰林學士門下侍郎

眉山

蘇轍

古史

宋秘書丞集賢院學士

高安

劉恕

外史

皇明正德丙子冬十月

京兆

劉弘毅

刊行

司馬蘇劉增草皇帝紀

小司馬索隱補三皇紀

司馬貞自註曰太史公作史記闕三皇而以五帝為首者正以大戴禮有

闕近代徐整作三五

曆今集作三皇本紀五帝德篇又帝世皆叙自黃帝以下故因以五帝為首既論古史不全

太皞應攝氏風姓代燧人氏繼天而王蛇身人首有聖德仰則觀象於天俯則觀法於地旁觀鳥獸之文

與地之宜近取諸身遠取諸物始畫八卦以通神明之德以類萬物之情造書契以代結繩之政於是始

制嫁娶以儷皮為禮禮音義與抗體同義結網罟以教佃漁故曰宓犧氏伏音養犧牲以庖厨故曰庖犧

有龍瑞以龍紀官號曰龍師作二十五絃之瑟木德王主春令故易稱帝出乎震月令孟春其帝太皞是

也都於陳東封泰山立一百一十年崩

女媧氏亦風姓蛇身人首有神聖之德代宓犧立號曰女希氏無草造惟作笙簧故易不載不承五運一

曰女媧亦木德王蓋宓犧之後已經數世金木輪環周而復始特舉女媧以其功高而充三皇故頻木王

也續本王稱言當其末年也諸侯有共工氏任智刑以強霸而不王以水乘木乃與祝融戰不勝而怒乃

頭觸不周山崩天柱折地維缺女媧乃鍊五色石以補天斷登足以立四極聚廬灰以止滔水以濟冀州於是地平天成不改舊物女媧氏沒神農氏作

炎帝神農氏姜姓母曰女登有媧氏之女為少典妃感神龍而生炎帝人身牛首長於姜水因以為姓大德王故曰炎帝以火名官斲木為耜揉木為耒耨耨之用以教萬人始教耕故號神農氏於是作蜡祭以赭鞭鞭草木始嘗百草始有醫藥又作五絃之瑟教人日中為市交易而退各得其所遂重八卦為六十四爻初都陳後居曲阜

劉氏外紀曰其俗樸重端慤不忿而財足無制令而人從威厲而不殺法省而不煩諸侯風沙氏叛不用命神農退而修德風沙之民自攻其君而來歸其地南至交趾北至幽都東至暘谷西至三危莫不聽從

立一百二十年崩生帝哀哀生帝克克生帝榆罔凡八代五百三十年而軒轅氏興焉

一說三皇謂天皇地皇人皇為三皇既是開闢之初君臣之始圖緯所載不可全舉故兼序之天地初立有

天皇氏十二頭澹泊無所施為而俗自化木德王歲起攝提兄弟十二人立各一萬八千歲

地皇十一頭火德王姓十一人興於熊耳龍門等山亦各萬八千歲人皇九頭乘雲車駕六羽出谷

口兄弟九人分長九州各立城邑凡一百五十世合四萬五千六百手自人皇已後有五龍氏 燧人氏 大庭氏 栢皇氏 中央氏 朱須氏 栗陵氏 驪連氏 赫胥氏 尊盧氏 渾沌氏 吳

英氏 有巢氏 朱襄氏 葛天氏 陰康氏 無懷氏斯蓋三皇已來有天下者之號但載籍不紀

莫知姓王年代所都之處然則無懷之前天皇已後年紀悠邈皇王何昇而告但古書亡矣不可備論

豈得謂無帝王耶故春秋緯稱自開闢至於獲麟凡三百二十七萬六千歲分為十紀凡世七萬六千